

# O CESGA actuará como entidade colaboradora para a solicitude de estancias no estranxeiro.

- Last Updated ()

A FUNDACIÓN CENTRO DE SUPERCOMPUTACIÓN DE GALICIA (CESGA) ofrécese para actuar como entidade colaboradora a solicitantes de estancias de mobilidade posdoctoral en centros estranxeiros do Programa Nacional de Mobilidade de Recursos Humanos de Investigación, no marco do Plan Nacional de Investigación Científica, Desenvolvemento e Innovación Tecnolóxica (I+D+i) 2008-2011.

O CESGA actuará como entidade colaboradora para a solicitude das estancias. A titulación dos candidatos ha de cumprir cos requisitos da convocatoria e as titulacións esperadas son:

Doutores en Matemáticas, Física, Informática ou áreas afíns.

Os candidatos deben mostrar interese e presentar un proxecto de investigación nas áreas relacionadas con:

- Computación de altas prestacións e distribuída: HPC, aplicacións de HPC, Grid e Cloud.
- Modelos de cálculo de dose e verificación de tratamentos para radioterapia con fotóns e electróns.

Os candidatos interesados deben enviar por correo electrónico a [icts@cesga.es](mailto:icts@cesga.es) antes do 24 de xaneiro de 2011:

- CV normalizado segundo a convocatoria.
- Memoria de proxecto científico a realizar durante a contratación (en inglés ou castelán), que deberá estar aliñado cos proxectos en execución nesas áreas no CESGA.

Requisitos de candidatos potenciais (segundo a convocatoria):

- Nacionalidade española ou dun país membro da Unión Europea con residencia en España.
- Os Solicitantes debe obter o grao de doutor despois do 31 de xaneiro de 2006 (excepcionalmente 2002 nos casos previstos na convocatoria).

Condições básicas:

- Estancia non inferior a 12 meses nin superior a 24 meses.
- O importe económico está descrito na convocatoria (inclúe axudas de desprazamento e salario mensual).

A actividade dos investigadores desenvolverase en institucións de investigación fóra de España, estando prevista a estancia no CESGA durante un mes cada ano.

É posible atopar o texto completo sobre estas prazas e condicións en:

[http://micinnws.fecyt.es/cliente\\_ws\\_fecyt/downloadAdjuntos.do?idFichero=177067](http://micinnws.fecyt.es/cliente_ws_fecyt/downloadAdjuntos.do?idFichero=177067) (texto dispoñible soamente en castelán).

As solicitudes serán avaliadas pola Unidade de Xestión de I+D do Centro, que responderá individualmente a cada candidato antes do 28 de xaneiro de 2011. Para resolver calquera dúbida, póñase en contacto con Carmen Cotelo, Departamento de Aplicacións e Proxectos no CESGA: [icts@cesga.es](mailto:icts@cesga.es), número de teléfono: (34) 981 569 810